



Deddf Sector Amaethyddol (Cymru) 2014

2014 dccc 6

Panel Cyngori ar Amaethyddiaeth Cymru

2 Panel Cyngori ar Amaethyddiaeth Cymru

- (1) Rhaid i Weinidogion Cymru, drwy orchymyn, sefydlu panel a elwir Panel Cyngori ar Amaethyddiaeth Cymru (“y Panel”) i gyflawni’r swyddogaethau a restrir yn is-adran (2).
- (2) Y swyddogaethau yw—
 - (a) hybu gyrfaoedd mewn amaethyddiaeth;
 - (b) llunio gorchmynion cyflogau amaethyddol ar ffurf ddrafft, ymgynghori ar y gorchmynion hynny a’u cyflwyno i Weinidogion Cymru i’w cymeradwyo;
 - (c) cynghori Gweinidogion Cymru ar unrhyw faterion eraill sy’n ymwneud â’r sector amaethyddol yng Nghymru sy’n ofynnol gan Weinidogion Cymru;
 - (d) unrhyw swyddogaethau eraill a bennir gan Weinidogion Cymru yn y gorchymyn.
- (3) Mae’r Panel i gynnwys—
 - (a) aelod i gadeirio’r Panel, a
 - (b) o leiaf 3, ond dim mwy na 10, aelod arall.
- (4) Wrth arfer unrhyw swyddogaethau mewn perthynas ag aelodaeth y Panel, rhaid i Weinidogion Cymru geisio sicrhau bod yr aelodaeth—
 - (a) yn cynnwys personau â’r sgiliau a’r arbenigedd sy’n angenrheidiol er mwyn galluogi’r Panel i gyflawni ei swyddogaethau yn effeithlon ac yn effeithiol, a
 - (b) yn adlewyrchu buddiannau pob rhan o’r sector amaethyddol yn ddigonol.
- (5) Caiff Gweinidogion Cymru, drwy orchymyn, wneud darpariaeth—
 - (a) ynghylch cyfansoddiad a thrafodion y Panel;
 - (b) ynghylch penodi aelodau i’r Panel;
 - (c) ynghylch pwerau cyffredinol y Panel;
 - (d) sy’n ychwanegu at swyddogaethau’r Panel, yn eu diwygio neu yn eu dileu.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sector Amaethyddol (Cymru) 2014, Croes Bennawd: Panel Cyngori ar Amaethyddiaeth Cymru. (See end of Document for details)

- (6) Cyn gwneud gorchymyn o dan yr adran hon rhaid i Weinidogion Cymru ymgynghori ag unrhyw bersonau sy'n briodol yn eu barn hwy.

Gwybodaeth Cychwyn

- II** A. 2 mewn grym ar y Cydsyniad Brenhinol, gweler **a. 19**

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sector Amaethyddol (Cymru) 2014, Croes Bennawd: Panel Cyngori ar Amaethyddiaeth Cymru.